

第二課 詞選

(一)武陵春

風住塵香花已盡，

日晚倦梳頭。

物是人非事事休，

欲語淚先流。

聞說雙溪春尚好，

也擬泛輕舟。

只恐雙溪舴艋舟，

載不動許多愁。

(二) 南鄉子_{登京口北固亭有懷}

何處望神州？

滿眼風光北固樓。

千古興亡多少事？

悠悠，不盡長江滾滾流。

年少萬兜鍪，坐斷東南戰未休。

天下英雄誰敵手？曹劉。

生子當如孫仲謀。